



禮經傳續卷第十八

少牢饋食禮

祭禮二

經十六

少牢饋食之禮日用丁巳筮甸有一日筮于廟門之外主人朝服西面于門東史朝服左執筮右抽上韉兼與筮執之東面受命于主人主人曰孝孫某來日丁亥用薦歲事于皇祖伯某以某妃配某氏尚饗史曰諾西面于門西抽下韉左執筮右兼執韉以擊筮遂述命曰假爾大筮有常孝孫某來日丁亥用薦歲事于皇祖伯某以某妃配某氏尚饗乃釋韉立筮卦者在左坐卦以木卒筮乃書卦于木示主人乃退占

吉則史贊筮史兼執筮與卦以告于主人占曰從乃
官戒宗人命滌宰命為酒乃退若不吉則及遠日又
筮日如初

右卿大夫祭前十日先筮日

宿前宿一日宿戒尸明日朝筮尸如筮日之禮命曰
孝孫某來日丁亥用為歲事于皇祖伯某以某妃配
某氏以某之某為尸尚饗筮卦占如初吉則乃遂宿
尸祝擯主人再拜稽首祝告曰孝孫某來日丁亥用
為歲事于皇祖伯某以某妃配某氏敢宿尸拜許諾
主人又再拜稽首主人退尸送揖不拜若不吉則遂
宿三尸

右筮尸宿尸及宿諸官

既宿尸反為期于廟門之外主人門東南面宗人
服北面曰請祭期主人曰比於子宗人曰日明行事
主人曰諾乃退

右宗人請祭期

明日主人朝服即位于廟門之外東方南面宰宗人
西面北上牲北首東上司馬刲羊司士擊豕宗人告
備乃退雍人挹鼎七俎于雍爨雍爨在門東南北上
廩人挹鬯七與敦于廩爨廩爨在雍爨之北司宮
挹豆籩勺爵觚解凡洗篚于東堂下勺爵觚解實于
篚卒挹饌豆籩與篚于房中放于西方設洗于阼階

東南當東祭

右視殺視濯

羹定雍人陳鼎五三鼎在羊鑊之西二鼎在豕鑊之西司馬升羊右胖髀不升肩臂臠膊骼正脊一脰脊一橫脊一短脅一正脅一代脅一皆二骨以並腸三胄三舉肺一祭肺三實于一鼎司士升豕右胖髀不升肩臂臠膊骼正脊一脰脊一短脅一正脅一代脅一皆二骨以並舉肺一祭肺三實于一鼎雍人倫膚九實于一鼎司士又升魚腊魚十有五而鼎腊一純而鼎腊用麋卒胄皆設局罍乃舉陳鼎于廟門之外東方北面北上司宮尊兩甒于房戶之間同撝皆有

鼎無有玄酒司宮設壘水于洗東有枓設篚于洗南肆改饌豆籩于房中南面如饋之設實豆籩之實小祝設槃匱與篔巾于西階東

右實鼎及豆籩槃匱等

主人朝服即位于阼階東西面司宮筵于奧祝設几于筵上右之主人出迎鼎除鼎士盥舉鼎主人先入司宮取二勺于篚洗之兼執以升乃啓二尊之蓋罍奠于撝上加二勺于尊覆之南柄鼎序入雍正執一七以從雍府執四七以從司士合執二俎以從司士贊者二人皆合執二俎以相從入陳鼎于東方當序南于洗西皆西面北上膚為下七皆加于鼎東撝俎

皆設于鼎西西肆所俎在羊俎之北亦西肆宗人遣
賓就主人皆盥于洗長牝佐食上利升牢心舌載于
所俎心皆安下切上午割勿沒其載于所俎末在上
舌皆切本末亦午割勿沒其載于所橫之皆如初為
之于爨也佐食遷所俎于阼階西西縮乃反佐食二
人上利升羊載舌胖髀不升肩臂臠膊骨正脊一脰
脊一橫脊一短脊一正脊一代脊一皆二骨以並腸
三胃三長皆及俎拒舉肺一長終肺祭肺三皆切肩
臂臠膊骨在兩端脊脊肺肩在上下利升豕其載如
無腸胃體其載于俎皆進下司士三人升魚腊膚
用鮒十有五而俎縮載右首進腓腊一純而俎亦

進下后在上膚九而俎亦橫載章順

右舉鼎七載

卒脊祝盥于洗升自西階主人盥升自阼階祝先入
南面主人從戶內西面主婦被錫衣侈袂房日東房
韭菹醢醢坐奠于筵前主婦贊者一人亦被錫衣
袂執葵菹羸醢以授主婦主婦不興遂受陪設于
韭菹在南葵菹在北主婦興入于房佐食上利執
俎下利執豕俎司士三人執魚腊膚俎序升自西階
相從入設俎羊在豆東豕亞其北魚在羊東腊在豕
東特膚當俎北端主婦自東房執一金敦黍有蓋坐
設于羊俎之南婦贊者執敦稷以授主婦主婦興受

坐設于魚俎南又興受贊者敦黍坐設于稷南又興受贊者敦稷坐設于黍南敦皆南首主婦興入于房祝酌奠遂命佐食啓會佐食啓會蓋二以重設于敦南主人西面祝在左主人再拜稽首祝祝曰孝孫某敢用柔毛剛鬣嘉薦普淖用薦歲事于皇祖伯某以某妃配某氏尚饗主人又再拜稽首
右迎尸之前先為陰厭

祝出迎尸於廣門之外主人降立于阼階東西面祝先入門右尸入門左宗人奉槃東面于庭南一宗人奉匱水西面于槃東一宗人奉簞巾南面于槃北乃沃尸盥于槃上卒盥坐奠單取巾興振之三以受尸

中祝延尸尸升自西階入祝從主人升自阼階祝入主人從尸升延祝主人西面立于戶內祝在主人皆拜受尸尸不言尸答拜遂坐祝反南面以韭菹辨揆于三豆祭于豆間上佐食取黍稷于下佐食取牢一切肺于俎以授上佐食上佐食兼與黍以尸尸同受祭于豆祭上佐食舉尸牢肺正脊以授上佐食肅上敦黍于筵上右之主人羞所俎升自阼階置于膚北上佐食羞兩鉶取一羊鉶于房中坐設于韭菹之南下佐食又取一豕鉶于房中以從上佐食受坐設于羊鉶之南皆芼皆有柶尸扱以柶祭羊鉶遂以祭豕鉶嘗羊鉶食舉三飯上佐食舉尸牢幹

尸受振祭齊之佐食受加于所上佐食羞載兩瓦豆有醢亦用瓦豆設于薦豆之北尸又食食載上佐食舉尸一魚尸受振祭齊之佐食受加于所橫之又食上佐食舉尸腊肩尸受振祭齊之上佐食受加于所又食上佐食舉尸牢骼如初又食尸告飽祝西面于主人之南獨脩不拜脩曰皇尸未嘗脩尸又食上佐食舉尸牢肩尸受振祭齊之佐食受加于所尸不飯告飽祝西面于主人之南主人不言拜脩尸又三飯上佐食受尸牢肺正脊加于所

右尸入正祭

主人降洗爵升北面酌酒乃醕尸尸拜受主人拜送

尸祭酒啐酒賓長羞牢肝用俎縮執俎肝亦縮進末鹽在右尸左執爵右蕪取肝換于俎鹽振祭齊之加于菹豆卒爵主人拜祝受尸爵尸答拜祝酌受尸尸醋主人主人拜受爵尸答拜主人西面奠爵又拜上佐食取四敦黍稷下佐食取牢一切肺以授上佐食上佐食以綏祭主人左執爵右受佐食坐祭之又祭酒不興遂啐酒祝與二佐食皆出盥于洗入二佐食各取黍於一敦上佐食蕪受搏之以授尸尸執以命祝卒命祝祝受以東北面于尸西以噉于主人曰皇尸命工祝承致多福無疆于女孝孫來女孝孫使女受祿于天宜稼于田眉壽萬年勿替引之主人坐奠

爵興再拜稽首興受黍坐振祭嚌之詩懷之實于左
袂挂于季指執爵以興坐卒爵卒爵以興坐奠爵拜
尸答拜執爵以興出宰夫以遷受醬黍主人嘗之納
諸內

右主人酌尸尸醋主人命祝嘏

主人獻祝設席南面祝拜于席上坐受主人西面答
拜薦兩豆菹醢佐食設俎牢髀橫脊一短脅一腸一
胃一膚三魚一橫之腊兩髀屬于尻祝取菹揆于醢
祭于豆間祝祭俎祭酒啐酒肝牢從祝取肝揆于鹽
振祭嚌之不興加于俎卒爵興主人酌獻上佐食上
佐食戶內牖東北面拜坐取爵主人西面答拜佐食
祭酒卒爵拜坐授爵興俎設于兩階之間其俎折一
膚主人又獻下佐食亦如之其脊亦設于階間西上
亦折一膚

右主人獻祝與佐食

有司贊者取爵于篚以升授主婦贊者于房戶婦贊
者受以授主婦主婦洗于房中出酌入戶西面拜獻
尸尸拜受主婦主人之北西面拜送爵尸祭酒卒爵
主婦拜祝受尸爵尸答拜易爵洗酌授尸主婦拜受
爵尸答拜上佐食緩祭主婦西面于主人之北受祭
祭之其緩祭如主人之禮不徹卒爵拜尸答拜主婦
以爵出贊者受易爵于篚以授主婦于房中主婦洗

酌獻祝祝拜坐受爵主婦答拜于主人之北卒爵不興坐授主婦主婦受酌獻上佐食于尸內佐食北面拜坐受爵主婦西面答拜祭酒卒爵坐授主婦主婦獻下佐食亦如之主婦受爵以入于房

右主婦亞獻尸及獻祝與佐食

賓長洗爵獻于尸尸拜受爵賓尸西北面拜送爵尸祭酒卒爵賓拜祝受尸爵尸答拜祝酌授尸賓拜受爵尸拜送爵賓坐奠爵遂拜執爵以興坐祭遂飲卒爵執爵以興坐奠爵拜尸答拜賓酌獻祝祝拜坐受爵賓北面答拜祝祭酒啐酒奠爵于其筵前

右賓長獻尸及祝

主人出立于阼階上西面祝出立于西階上東面祝曰利成祝入尸謾主人降立于阼階東西面祝先尸從遂出于廟門

右祭祀畢尸出廟

祝反復位于室中主人亦入于室復位祝命佐食徹所俎降設于堂下阼階南司宮設對席乃四人暮上佐食盥升下佐食對之賓長二人備司士進一敦黍于上佐食又進一敦黍于下佐食皆右之于席上資黍于羊俎兩端兩下是餽司士乃辯舉暮者皆祭黍祭舉主人西面三拜暮者暮者奠舉于俎皆答拜皆反取舉司士進一鉶于上暮又進一鉶于次暮又進

二豆渚于兩下乃皆食食舉卒食主人洗一爵升酌以授上暮贊者洗三爵酌主人受于戶內以授次暮若是以辯皆不拜受爵主人西面三拜暮者奠爵皆答拜皆祭酒卒爵奠爵皆拜主人答一拜暮者三人興出上暮止主人受上暮爵酌以醋于戶內西面坐奠爵拜上暮答拜坐祭酒啐酒上暮親嘏曰主人受祭之福胡壽保建家室主人興坐奠爵拜執爵以興坐卒爵拜上暮答拜上暮興出主人送乃退

右徹所俎行餽

禮經傳續卷第十八

儀禮經傳續卷第十九

有司徹

祭禮三

經十七

有司徹埽堂司宮攝酒乃斂尸俎卒斂乃升羊豕魚三鼎無腊與膚乃設扃甯陳鼎于門外如初

右徹室內之饋及斂尸俎

乃議侑于賓以異姓宗人戒侑侑出候于廟門之外司宮筵于戶西南面入筵于西序東面尸與侑北面于廟門之外西上主人出迎尸宗人擯主人拜尸答拜主人又拜侑侑答拜主人揖先入門右尸入門左侑從亦左揖乃讓主人先升自阼階尸侑升自西階

西楹西北面東上

右選侑并迎尸及侑

主人東楹東北面拜至尸答拜主人又拜侑侑答拜
乃舉司馬舉羊鼎司士舉豕鼎舉魚鼎以入陳鼎如
初雍正執一匕以從雍府執二匕以從司士合執二
俎以從司士贊者亦合執二俎以從匕皆加于鼎東
枋二俎設于羊鼎西西縮二俎皆設于二鼎西亦西
縮雍人合執二俎陳于羊俎西並皆西縮覆二疏七
于其上皆縮俎西枋

右門外舉鼎七俎入陳于廟門

主人降受宰凡尸侑降主人辭尸對宰授凡主人受

二手橫執凡揖尸主人升尸侑升復位主人西面左
手執凡縮之以右袂推拂凡三二手橫執凡進授尸
于筵前尸進二手受于手間主人退尸還凡縮之右
手執外廉北面奠于筵上左之南縮不坐主人東楹
東北面拜尸復位尸與侑皆北面答拜主人降洗尸
侑降尸辭洗主人對卒洗揖主人升尸侑升尸西楹
西北面拜洗主人東楹東北面奠爵答拜降盥尸侑
降主人辭尸對卒盥主人揖升尸侑升主人坐取爵
酌獻尸尸北面拜受爵主人東楹東北面拜送爵主
婦自東房薦韭菹醢坐奠于筵前菹在西方婦贊者
執昌菹醢以授主婦主婦不興受陪設于南昌在東

方輿取遷于房，麴蕢黃坐設于豆西，當外列麴在東方，婦贊者執白黑以授主婦，主婦不與受，設于初遷之南，白在西方，輿退。

右主人獻尸，主婦薦豆邊。

乃升司馬，牝羊亦司馬載，載右體，肩胛、肱、髀、臑、正脊、一脰、脊、一橫、脊、一短、脊、一正、脊、一代、脊、一腸、一胃、一祭、肺、一載于一俎，羊肉、涪、臑、折、正、脊、一正、脊、一腸、一胃、一脊、一齊、肺、一載于南俎，司士牝豕亦司士載，亦右體，肩胛、肱、髀、臑、正脊、一脰、脊、一橫、脊、一短、脊、一正、脊、一脊、一齊、肺、一載于一俎，侑俎，羊左肩、左肱、正脊、一胃、一腸、一脊、一齊、肺、一載于一俎，豕脊、臂、一脊、一脰、一膚、三、齊、肺、一載于一俎，主婦俎，羊左肱、脊、一脰、一腸、一胃、一齊、肺、一載于一俎，司士牝魚亦司士載，尸俎，五魚橫載之，侑主人皆一魚，亦橫載之，皆加臠，祭于其上。

右司馬司士載俎。

折正脊、一脰、一膚、三切肺、一載于一俎，阼俎，羊肺、一祭、肺、一載于一俎，羊肉、涪、臂、一脊、一脰、一腸、一胃、一齊、肺、一載于一俎，豕脊、臂、一脊、一脰、一膚、三、齊、肺、一載于一俎，主婦俎，羊左肱、脊、一脰、一腸、一胃、一齊、肺、一載于一俎，司士牝魚亦司士載，尸俎，五魚橫載之，侑主人皆一魚，亦橫載之，皆加臠，祭于其上。

卒升賓，長設羊俎于豆南，賓降尸，升筵自西方，坐左，執爵，右取韭，菹，揆于三豆，祭于豆間，尸取麴蕢，贊宰夫贊者取白黑以授尸，尸受兼祭于豆，祭雍人授次賓，疏匕與俎受于鼎西，左手執俎，左廉縮之，卻右手執

七枋縮于俎上以東面受于羊鼎之西司馬在羊鼎
之東二手執桃七枋以挹酒注于疏七若是者三尸
與左執爵右取肺坐祭之祭酒興左執爵次賓縮執
匕俎以升若是以授尸尸卻手授匕枋坐祭齊之興
覆手以授賓賓亦覆手以受縮匕于俎上以降尸席
末坐啐酒興坐奠爵拜告旨執爵以興主人北面于
東楹東答拜司馬羞羊肉湑縮執俎尸坐奠爵興取
肺坐絕祭齊之興反加于俎司馬縮奠俎于羊湑俎
南乃載于羊俎卒載俎縮執俎以降尸坐執爵以興
次賓羞羊燔縮執俎縮一燔于俎上鹽在右尸左執
爵受燔揆于鹽坐振祭齊之興加于羊俎賓縮執俎
以降尸降筵北面于西楹西坐左爵執爵以興少
爵拜執爵以興主人北面于東楹東答拜主人受
尸升筵立于筵末

右主人獻尸

主人酌獻侑侑西楹西北面拜受爵主人在其右北
面答拜主婦薦韭菹醢坐奠于筵前醢在南方婦
者執二籩饗以授主婦主婦不興受之奠饗于醢
南蕢在饗東主婦入于房侑升筵自北方司馬橫執
羊俎以升設于豆東侑坐左執爵右取菹揆于醢祭
于豆間又取饗蕢同祭于豆祭興左執爵右取肺坐
祭之祭酒興左執爵次賓羞羊燔如尸禮侑降筵自

儀禮卷十九 四
北方北面于西楹西坐卒爵執爵以興坐奠爵拜主人答拜

右主人獻侑

尸受侑爵降洗侑降立于西階西東面主人降自阼階辭洗尸坐奠爵于篚興對卒洗主人升尸升自西階主人拜洗尸北面于西楹西坐奠爵答拜降主人降尸辭主人對卒盥主人升尸升坐取爵酌司宮設席于東序西面主人東楹東北面拜受爵尸西楹西北面答拜主婦薦韭菹醢坐奠于筵前菹在北方婦贊者執二邊饗主婦不興受設饗于菹西北贊在筵西主人升筵自北方主婦入于房長賓設羊俎

于豆西主人坐左執爵祭豆邊如侑之祭興左執爵右取肺坐祭之祭酒興次賓羞匕涪如尸禮席末坐啐酒執爵以興司馬羞羊肉涪縮執俎主人坐奠爵于左興受肺坐絕祭齎之興反加于涪俎司馬縮奠涪俎于羊俎西乃載之卒載縮執虛俎以降主人坐取爵以興次賓羞燔主人受如尸禮主人降筵自北方北面于阼階上坐卒爵執爵以興坐奠爵拜執爵以興尸西楹西答拜主人坐奠爵于東序南侑升尸侑皆北面于西楹西主人北面于東楹東再拜崇酒尸侑皆答再拜主人及尸侑皆升就筵
右主人受尸酢

司宮取爵于篚以授婦贊者于房東以授主婦主婦
洗于房中出實爵尊南西面拜獻尸尸拜于筵上受
主婦西面于主人之席北拜送爵入于房取一羊釧
坐奠于韭菹西主婦贊者執豕釧以從主婦不興受
設于羊釧之西興入于房取糗與服修執以出坐設
之糗在黃西脩在臼西興立于主人席北西面尸坐
左執爵祭糗修同祭于豆祭以羊釧之柶挹羊釧遂
以挹豕釧祭于豆祭祭酒次賓羞豕匕涪如羊匕涪
之禮尸坐啐酒左執爵嘗上釧執爵以興坐奠爵拜
主婦答拜執爵以興司士羞豕膏尸坐奠爵興受如
羊肉涪之禮坐取爵興次賓羞豕燔尸左執爵受燔

如羊燔之禮坐卒爵拜主婦答拜受爵酌獻脩脩拜
受爵主婦主人之北西面答拜主婦羞糗脩坐奠糗
于甗南脩在黃南脩坐左執爵取糗脩兼祭于豆祭
司士縮執豕膏以升脩興取肺坐祭之司士縮奠豕
膏于羊俎之東載于羊俎卒乃縮執俎以降脩興次
賓羞豕燔脩受如尸禮坐卒爵拜主婦答拜

右主婦亞獻

受爵酌以致于主人主人筵上拜受爵主婦北面于
阼階上答拜主婦設二釧與糗脩如尸禮主人共祭
糗脩祭釧祭酒受豕匕涪拜啐酒皆如尸禮嘗釧不
拜其受豕膏受豕燔亦如尸禮坐卒爵拜主婦北面

各拜受爵

右主婦致爵于主人

尸降筵受主婦爵以降主人降俯降主婦入于房主人立于洗東北西面俯東面于西階西南尸易爵于篚盥洗爵主人揖尸俯主人升尸升自西階俯從主人北面立于東楹東俯西楹西北面立尸酌主婦出于房西面拜受爵尸北面于俯東答拜主婦入于房司宮設席于房中南面主婦立于席西婦贊者薦韭菹醢坐奠于筵前菹在西方婦入贊者執饗以授婦贊者婦贊者不興受設饗于菹西贊在饗南主婦升筵司馬設羊俎于豆南主婦坐左執爵右取菹換

于醢祭于豆間又取饗贊兼祭于豆祭主婦奠爵與取肺坐絕祭齊之興加于俎坐挽手祭酒啐酒次賓羞羊燔主婦興受燔如主人之禮主婦執爵以出于房西面于主人席北立卒爵執爵拜尸西楹西北面答拜主婦入立于房尸主人及俯皆就筵

右尸酢主婦

上賓洗爵以升酌獻尸尸拜受爵賓西楹西北面拜送爵尸奠爵于薦左賓降

右賓長三獻尸尸奠爵未舉

主人降洗爵尸俯降主人奠爵于篚辭尸對卒洗揖尸升俯不升主人實爵酬尸東楹東北面坐奠爵拜

尸西楹西北面答拜坐祭遂飲卒爵拜尸答拜降洗
尸降辭主人奠爵于篚對卒洗主人升尸升主人實
爵尸拜受爵主人反位答拜尸北面坐奠爵于薦左
尸侑主人皆升筵乃羞宰夫羞房中之羞于尸侑主
人主婦皆右之司士羞庶羞于尸侑主人主婦皆左
之

右主人酬尸設羞

主人降南面拜衆賓于門東三拜衆賓門東北面皆
答壹拜主人洗爵長賓辭主人奠爵于篚與對卒洗
升酌獻賓于西階上長賓升拜受爵主人在其右北
面答拜宰夫自卓房薦脯醢醢在西司上設俎于豆

北羊體一腸一胃一切肺一膚一賓坐左執爵
肺揆于醢祭之執爵與取肺坐祭之祭酒遂飲卒
執以興坐奠爵拜執爵以興主人答拜受爵賓坐取
祭以降西面坐委于西階西南宰夫執爵以從設于
祭東司士執俎以從設于薦東衆賓長升拜受爵主
人答拜坐祭立飲卒爵不拜既爵宰夫贊主人酌若
是以辯辯受爵其薦脯醢與胥設于其位其位繼上
賓而南皆東面其胥體儀也乃升長賓主人酌酢于
長賓西階上北面賓在左主人坐奠爵拜執爵以興
賓答拜坐祭遂飲卒爵執爵以興坐奠爵拜實答拜
賓降

儀禮卷之九
右主人獻賓辯酌自酢

宰夫洗解以升王人受酌降酬長賓于西階南北面面
賓在左主人坐奠爵受賓○答拜坐祭遂飲卒爵拜
賓答拜主人洗賓辭主人坐奠爵于篚對卒洗升酌
降復位賓拜受爵主人拜送爵賓西面坐奠爵于薦
左

右主人洗解酬賓賓奠薦左

主人洗升酌獻兄弟于阼階上兄弟之長升拜受爵
主人任其右答拜坐祭立飲不拜既爵皆若是以辯
辯受爵其位在洗東西面北上升受爵其薦脊設于
其位其先生之脊折脅一膚一其衆儀也

右主人獻兄弟於阼階

主人洗獻內賓于房中南面拜受爵主人南面于其
右答拜坐祭立飲不拜既爵若是以辯亦有薦脊

右主人獻內賓于房中

主人降洗升獻私人于阼階上拜于下升受主人答
其長拜乃降坐祭立飲不拜既爵若是以辯宰夫贊
主人主人於其羣私人不答拜其位繼兄弟之南
亦北上亦有薦脊主人就筵

右主人獻私人于阼階上

尸作三獻之爵司士羞涪魚縮執俎以升尸取膾祭
祭之祭酒卒爵司士縮奠俎于羊俎南橫載于羊俎

卒乃執俎以降尸奠爵拜三獻北面答拜受爵酌
 獻俯俯拜受三獻北面答拜受爵酌獻俯俯拜受三
 獻北面答拜司馬羞涪魚一如尸禮卒爵拜三獻答
 拜受爵酌致主人主人拜受爵三獻東楹東北面答
 拜司士羞一涪魚如尸禮卒爵拜三獻答拜受爵尸
 降筵受三獻酌以酢之二獻西楹西北面拜受爵尸在
 其右以授之尸升筵南面答拜坐祭遂飲卒爵拜三
 答拜執爵以降實于篚

右尸作三獻之爵三獻又獻俯及主人

二人洗解升實爵西楹西北面東上坐奠爵拜執爵
 以與尸俯答拜坐祭遂飲卒爵執爵以與坐奠爵拜

尸俯答拜皆降洗升酌反位尸俯皆拜受爵舉

皆拜送俯奠解于右尸遂執解以與北面于阼階上

酬主人主人在右坐奠爵拜主人答拜不祭立飲卒

爵不拜既爵酌就于阼階上酬主人主人拜受爵尸

拜送尸就筵主人以酬俯于西楹西俯在左坐奠爵

拜執爵興俯答拜不祭立飲卒爵不拜既爵酌復位

俯拜受主人拜送主人復筵乃升長賓俯疇之如主

人之禮至于衆賓遂及兄弟亦如之皆飲于上遂及

私人拜受者升受下飲卒爵升酌以之其位相酬

辯卒飲者實爵于篚乃羞庶羞于賓兄弟內賓及私

人

右旅酬從尸及上下無不徧

兄弟之後生者舉觶于其長洗升酌降北面立于阼階南長在左坐奠爵拜執爵以興長答拜坐祭遂飲卒爵執爵以興坐奠爵拜執爵以興長答拜洗升酌降長拜受于其位舉爵者東面答拜爵止

右兄弟舉觶於其長兄弟

賓長獻于尸如初無涪爵不止賓一人舉爵于尸如初亦遂之於下

右賓長獻尸次賓舉爵于尸更為旅酬

賓及兄弟交錯其酬皆遂及私人爵無筭尸出俯從主人送于庭門之外拜尸不顧拜俯與長賓亦如之

衆賓從司士歸尸俯之俎主人退有司徹

右堂下行無筭爵禮終尸俯出主人送於庭門外

若不賓尸則祝俯亦如之尸食廼盛俎臠臂臠脰脊

橫脊短脅代脅皆牢魚七腊辨無髀卒盛乃舉牢肩

尸受振祭濟之佐食受加于所佐食取一俎于堂下

以入奠于羊俎東乃據于魚腊俎俎釋二个其餘皆

取之實于一俎以出祝主人之魚腊取於是尸不飯

告飽主人拜俯不言尸又三飯佐食受牢舉如儻主

人洗酌醕尸賓羞肝皆如儻禮卒爵主人拜祝受尸

爵尸答拜祝酌授尸尸以醋主人亦如儻其綏祭其

禮亦如儻其獻祝與二佐食其位其薦胥皆如儻主

婦其洗獻于尸亦如儻

右下大夫不賓尸與賓尸異同

主婦反取籩于房中執棗糗坐設之棗在稷南糗在棗南婦贊者執栗脯主婦不興受設之栗在糗東脯在棗東主婦興反位尸左執爵取棗糗祝取栗脯以授尸尸兼祭于豆祭祭酒啐酒次賓羞牢燔用俎鹽在右尸兼取燔揆于鹽振祭齊之祝受加于所卒爵主婦拜祝受尸爵尸荅拜祝易爵洗酌授尸尸以醋主婦主婦主人之北拜受爵尸荅拜主婦反位又拜上佐食綏祭如儻卒爵拜尸荅拜主婦獻祝其酌如拜坐受爵主婦主人之北荅拜宰夫薦棗糗坐設

棗于菹西糗在棗南祝在執爵取棗糗祭于豆祭祭酒啐酒次賓羞燔如尸禮卒爵主人受爵酌獻二位食亦如儻主婦受爵以入于房

右主婦亞獻尸及祝主人獻二位食

賓長洗爵獻于尸尸拜受賓尸西北面荅拜爵止主婦洗于房中酌致于主人主人拜受主婦尸西北面拜送爵司宮設席主婦薦韭菹醢坐設于席前菹在北方婦贊者執棗糗以從主婦不興受設棗于菹北糗在棗西佐食設俎臂脊肺皆牢膚三魚一腊臂主人左執爵右取菹揆于醢祭于豆間遂祭籩奠爵興取牢肺坐絕祭齊之興加于俎坐挽手祭酒執爵

儀禮卷之六
十一
以興坐卒爵拜主婦答拜受爵酌以醋尸內北面拜
主人答拜卒爵拜主人答拜主婦以爵入于房尸作
止爵祭酒卒爵賓拜祝受爵尸答拜祝酌授尸賓拜
受爵尸拜送坐祭遂飲卒爵拜尸答拜獻祝及二佐
食洗致爵于主人主人席上拜受爵賓北面答拜坐
祭遂飲卒爵拜賓答拜受爵酌致爵于主婦主婦北
堂司宮設席東面主婦席北東面拜受爵賓西面答
拜婦贊者薦韭菹醢菹在南方婦人贊者執棗糗授
婦贊者婦贊者不興受設棗于菹南糗在棗東佐食
設俎于豆東羊綿豕折羊脊脅祭肺一膚一魚一腊
臠主婦升筵坐左執爵右取菹揆于醢祭之祭籩奠

爵與取肺坐絕祭齊之興加于俎坐執手祭酒執爵
奠筵北東面立卒爵拜賓答拜賓受爵易爵于篚洗
酌醋于主人尸西北面拜主人答拜卒爵拜主人答
拜賓以爵降奠于篚乃羞宰夫羞房中之羞司士羞
庶羞于尸祝主人主婦內羞在右庶羞在左

右賓長獻尸祝佐食并致爵主人主婦

主人降拜衆賓洗獻衆賓其薦齊其位其酬醋皆如
饋禮主人洗獻兄弟與內賓與私人皆如饋禮其位
其薦齊皆如饋禮卒乃羞于賓兄弟內賓及私人辯
右主人獻衆賓兄弟內賓私人辯

賓長獻于尸尸醋獻祝致醋賓以爵降實于篚賓兄

弟交錯其醕無筭爵利洗爵獻于尸尸醋獻祝祝受
祭酒碎酒奠之主人出立于阼階上西面祝出立于
西階下東面祝告于主人曰利成祝入主人降立守
阼階東西面尸設祝前尸從遂出于廟門祝反復位
于室中祝命佐食徹尸俎佐食乃出尸俎于廟門外
有司受歸之徹阼薦俎乃養如饋卒養有司官徹饋
饌于室中西北隅南面如饋之設右几扉用席納一
尊于室中司宮壻祭主人出立于阼階上西面祝執
其俎以出立于西階上東面司宮闔牖戶祝告利成
乃執俎以出于廟門外有司受歸之衆賓出主人拜
送于廟門外乃反婦人乃徹徹室中之饋

儀禮經傳續卷第十九

儀禮經傳續卷第二十九

諸侯遷廟

祭禮四

成廟將遷之新廟君前徙三日齋祝宗人及從者皆
 齋徙之日君玄服從者皆玄服從至于廟羣臣如朝
 位君入立于阼階下西向有司如朝位宗人擯舉手
 曰有司其請升君升祝奉幣從在左北面再拜興祝
 聲三曰孝嗣侯某敢以嘉幣告于皇考某侯成廟將
 徙敢告君及祝再拜興祝曰請導君降立於階下奉
 衣服者皆奉以從祝奉衣服者降堂君及在位者皆
 辟也奉衣服者至碑君從有司皆以次從出廟門奉
 衣服者升車乃步君升車從者皆就車也凡出入門

及大溝渠祝下擯至于新廟筵于戶牖間樽於西序
下脯醢陳于房中設洗當東榮南北以堂深有司皆
先入如朝位祝導奉衣服服者乃入君從奉衣服者
入門左在位者皆辟也奉衣服者升堂皆反位君從
升奠衣服于席上祝奠幣于凡東君北向祝在左贊
者盥升適房薦脯醢君盥酌奠于薦西反位君及祝
再拜興祝聲三曰孝嗣侯某敢用嘉幣告于皇考某
侯今月吉日可以徙于新廟敢告再拜君就東廂西
面祝就西廂東面在位者皆反走辟如食間擯者舉
手曰請反位君反位祝從在左卿大夫及眾有司諸
在位者皆反位祝聲三曰孝嗣侯某潔為而明為之

享君及祝再拜君反位祝徹反位擯者曰遷廟事畢
請就燕君出廟門卿大夫有司執事者皆出廟門告
事畢乃曰擇日而祭焉禮大戴

諸侯釁廟

成廟釁之以羊君玄服立于寢門內南向祝宗人宰
夫雍人皆玄服宗人曰請令以釁某廟君曰諾遂入
雍人搯羊乃行入廟門碑南北面東上雍人舉羊升
屋自中中屋南面剗羊血流于前乃降門以雞有司
當門北面雍人割雞屋下當門郊室割雞於室中有
司亦北面也既事宗人告事畢皆退反命于君君寢
門中南向宗人曰釁某廟事畢君曰諾宗人請就宴

君揖之乃退

大戴禮

儀禮經傳續卷二十一

儀禮經傳續卷第二十一

儀禮經傳續卷第二十一

祭法

祭禮五

大宗伯之職掌建邦之天神人鬼地示之禮以佐王
建保邦國以吉禮事邦國之鬼神示以禋祀祀昊天
上帝以實柴祀日月星辰以禋燎祀司中司命飢師
兩師以血祭祭社稷五祀五嶽以醴沈祭山林川澤
以醯辜祭四方百物以肆獻裸享先王以饋食享先
王以祠春享先王以禴夏享先王以嘗秋享先王以
烝冬享先王諸○天子祭天地祭四方祭山川祭五
祀歲徧諸侯方祀祭山川祭五祀歲徧大夫祭五祀
歲徧士祭其先○天子祭天地諸侯祭社稷大夫

祭五祀天子祭天下名山大川五嶽視三公四瀆視諸侯諸侯祭名山大川之在其地者視○燔柴於泰壇祭天也瘞埋於泰折祭地也用騂犢埋少牢於泰昭祭時也相近於坎壇祭寒暑也圭宮祭日也夜明祭月也幽宗祭星也雩宗祭水旱也四坎壇祭四方也山林川谷丘陵能出雲為風雨見怪物皆曰神有天下者祭百神諸侯在其地則祭之亡其地則不祭灋○大凡生於天地之間者皆曰命其萬物死皆曰折人死曰鬼此五代之所不變也同○有虞氏禘黃帝而郊嚳祖顓頊而宗堯夏后氏亦禘黃帝而郊鯀祖顓頊而宗禹殷人禘嚳而郊冥祖契而宗湯周人

禘嚳而郊嚳祖文王而宗武王同○七代之所不變者禘郊宗祖其餘不變也同○禮不王不禘王者師其祖之所自出以其祖配之諸侯及其大祖大夫士有大事省於其君子給及其高祖獻○天子七廟三昭三穆與太祖之廟而七諸侯五廟二昭二穆與太祖之廟而五大夫三廟一昭一穆與太祖之廟而三士一廟庶人祭於寢衽○天子植杓給禘給嘗給烝諸侯杓則不禘禘則不嘗嘗則不烝烝則不杓諸侯杓植禘一植一給嘗給烝給同○天下有王分地建國置都立邑設廟祫壇墀而祭之乃為親疏多少之數是故王立七廟一壇一墀曰考廟曰王考廟曰皇

考廟曰顯考廟曰祖考廟皆月祭之遠廟為祧有二
祧享嘗乃止去祧為壇去壇為墀壇墀有禱焉祭之
無禱乃止去墀曰鬼諸侯立五廟一壇一墀曰考廟
曰王考廟曰皇考廟皆月祭之顯考廟祖考廟享嘗
乃止去祖為壇去壇為墀壇墀有禱焉祭之無禱乃
止去墀為鬼大夫立三廟二壇曰考廟曰王考廟曰
皇考廟享嘗乃止顯考祖考無廟有禱焉為壇祭之
去壇為鬼適士二廟一壇曰考廟曰王考廟享嘗乃
止顯考無廟有禱焉為壇祭之去壇為鬼官師一廟
曰考廟王考無廟而祭之去王考為鬼庶士庶人無
廟曰鬼祭○父為士子為天子諸侯則祭以天子

侯其尸服以士服父為天子諸侯子為士祭以士
其尸服以士服○武王末受命周公成文武之德
追王大王王季上祀先公以天子之禮斯禮也達乎
諸侯大夫及士庶人父為大夫子為士葬以大夫祭
以士父為士子為大夫葬以士祭以大夫中○王為
羣姓立社曰大社王自為立社曰王社諸侯為百姓
立社曰國社諸侯自為立社曰侯社大夫以下成羣
立社曰置社○王為羣姓立七祀曰司命曰中雷
曰國門曰國行曰泰萬曰戶曰竈王自為立七祀諸
侯為國立五祀曰司命曰中雷曰國門曰國行曰公
厲諸侯自為立五祀大夫立三祀曰族厲曰門曰行

適士立二祀曰門曰行庶士庶人立一祀或立戶或
立竈同○王下祭殤五適子適孫適曾孫適玄孫適
來孫諸侯下祭三大夫下祭二適士及庶人祭子而
止同○夫聖王之制祭祀也法施於民則祀之以死
勤事則祀之以勞定國則祀之能禦大菑則祀之能
捍大患則祀之是故厲山氏之有天下也其子曰農
能殖百穀夏之衰也周弃繼之故祀以為稷共工氏
之霸九州也其子曰后土能平九州故祀以為社帝
害能序星辰以著衆堯能竄蚩刑法以義終舜勤衆
事而野死鯀鄣鴻水而殛死禹能修鯀之功黃帝正
名百物以明民共財顓頊能修之契為司徒而民成

冥勤其官而水死湯以寬治民而除其虐文王以文
治武王以武功去民之菑此皆有功烈於民者也及
夫日月星辰民所瞻仰也山林川谷丘陵民所取財
用也非此族也不在祀典同上

孔子曰嗚呼哀哉我觀周道幽厲傷之吾舍魯何
適矣魯之郊禘非禮也周公其衰矣祀之郊也禹
也宋之郊也契也是天子之事守也故天子祭天
地諸侯祭社稷禮○諸侯之宮縣而祭以白牡擊
玉磬朱干設錫冕而舞大武乘大路諸侯之僭禮
也臺門而旅樹反坫繡黼丹朱中衣大夫之僭禮
也諸侯不敢祖天子大夫不敢祖諸侯而公廟之

設於私家非禮也由三禘始也擲特○三家者以
雍徹子曰相維辟公天子穆穆奚取於三家之堂
論語集注朱○季氏旅於泰山子謂冉有曰女弗
能救與對曰不能子曰嗚呼曾謂泰山不如林放
乎
上同

儀禮經傳續卷第二十一

儀禮經傳續卷第二十二

天神

祭禮六

大宗伯掌建邦之天神人鬼地示之禮以吉禮事邦
國之鬼神示以禋祀祀昊天上帝禘○大祝凡大禋
祀則執明水火而號祝隋釁逆牲逆尸令鐘鼓右亦
如之來瞽令臯舞相尸禮既祭令徹禘○司服掌王
之吉服王祀昊天上帝則服大裘而冕祀五帝亦如
之禘○司裘掌為大裘以共王祀天之服既○大宗
伯以玉作六器以禮天地四方以蒼璧禮天牲幣放
其器之色禘○典瑞掌五瑞玉器之藏四圭有邸以
祀天禘○玉人之事天子圭中必四圭尺有二寸以

祀天終○天子祭天地歲徧禮○祭天埽地而祭擗

牲○祭天燔柴於泰壇用騂犢○祭天特牲禮○

祭天地之牛角繭栗制王○大祝辨六號一曰神號官○

鼓人以雷鼓鼓神祀地○大司樂以六律六同五

聲八音六舞大合樂以致鬼神示以和邦國以諧萬

民以安賓客以說遠人以作動物乃分樂而序之以

祭以享以祀乃奏黃鍾歌大呂舞雲門以祀天神○

六變而致象物及天神凡樂圜鍾為宮黃鍾為角太

簇為徵姑洗為羽雷鼓雷鼗孤竹之管雲和之琴瑟

雲門之舞冬日至於地上之圜丘奏之若樂六變則

天神皆降可得而禮矣官凡以神仕者掌三辰之灋

以辨鬼神示之居卞其名物以冬日至致天神人

於○大宰祀五帝則掌百官之誓戒與其具脩前

十日帥執事而卜日遂戒及執事祗滌濯及納亨贊

王牲事及祀之日贊玉幣爵之事祀大神示亦如之

天○大宗伯凡祀大神享大鬼祭大示帥執事而卜

日宿祗滌濯泣玉鬯省牲鑊奉玉盥詔大號治其大

禮詔相王之禮若王不與祭祀則攝位官

右昊天天神之祀○辭皇皇上天照臨下土集地

之靈降甘風雨庶物羣生各得其所靡令靡古維

予一人其敬拜皇天之祐公禘禮

小宗伯兆五帝於四郊四望四類亦如之春○掌次

祀五帝則張大次小次設重重案重案天○司服王服
 大裘而冕請○大宰掌百官之誓戒與其具脩前期
 十日帥執事而卜日遂戒及執事既滌濯及納亨贊
 王牲事及祀之日贊玉幣爵之事既○大司寇若禋
 祀五帝則戒之日涖誓日官戒于百族及納亨前王
 祭之日亦如之奉其明水火既○小司寇凡禋祀五
 帝既鑊水納亨亦如之既○士師祀五帝則沃尸及
 王盥泊鑊水既○充人掌繫祭祀之牲拴祀五帝則
 繫于牢芻之三月展牲則告拴碩牲則贊既○大司
 馬祀五帝奉牛牲羞其肆既○季秋上丁命樂正入
 于習吹火饗帝嘗犧牲告備于天子既○仲夏命樂

師脩鞀鞀鼓均琴瑟管簫執于戚戈羽調竿笙既
 飭鍾磬祝敔既命有司為民祈祀山川百源天雲帝
 用盛樂乃命百縣雩祀百辟卿士有益於民者以祈
 穀實既○孟春乃以元日祈穀于上帝既

右五帝上帝之祀○季康子問於孔子曰舊聞五
 帝之名而不知其實請問何謂五帝孔子曰昔丘
 也聞諸老聃曰天有五行水火金木土分時化育
 以成萬物其神謂之五帝古之王者易代而改號
 取灋五行五行更王終始相生亦象其義故其為
 明王者而死配五行是以太皞配木炎帝配火黃
 帝配土少皞配金顓頊配水康子曰太皞氏其始

之木何如孔子曰五行用事先起於木木東方萬物之初皆出焉是故王者則之而首以木德王天下其次則以所生之行轉相承也康子曰吾聞勾芒為木正祝融為火正蓐收為金正玄冥為水正后二為土正此五行之王而不亂稱曰帝者何也孔子曰凡五正者五行之官名五行佐成上帝而稱五帝太皞之屬配焉亦云帝從其號昔少皞氏之子有四叔曰重曰該曰修曰熙實能金木及水使重為勾芒該為蓐收脩及熙為玄冥顓頊氏之子曰黎為祝融共工氏之子曰句龍為后土此五者各以其所能業為官職生為上公死為貴神別稱五祀不得同帝康子曰陶唐有虞夏后殷周不得配五帝意者德不及上古邪將有限乎孔子曰古之平治水土及播殖百穀者衆矣唯勾龍兼食於社而棄為稷神易代奉之無敢益者明不可與等故自太皞以降逮于顓頊其應五行而王數非徒五而配五帝是其德不可以多也家語○孔子曰誦詩三百不足以一獻一獻之禮不足以大饗大饗之禮不足以大旅大旅具矣不足以饗帝毋輕議禮器○惟聖人為能饗帝穀○易曰王用享為帝吉揚益○天子親耕染盛秬鬯以事上帝表○季冬之月命太史次諸侯之列賦之犧牲以

共皇天上帝社稷之饗凡在天下九州之民者無不咸獻其力以共皇天上帝之祀○季夏命四監大合百縣之秩芻以養犧牲令民無不咸出其力以共皇天上帝以為民祈福○仲秋命宰祝循行犧牲視全具案芻豢瞻肥瘠察物色必比類量小大視長短皆中度五者備當上帝其饗○牲孕祭帝弗用○聖人亨以享上帝○先王以作樂崇德殷薦之上帝以配祖考○魯人將有事於上帝必先有事於類宮○桓公五年秋大雩左氏傳曰書不時也凡祀啓蟄而郊龍見而雩

始殺而嘗閉蟄而烝過則書○定公元年九月大雩谷梁子曰雩月雩之正也秋大雩非正也冬大雩非正也秋大雩之為非正何也毛澤未盡人力未竭未可以雩也雩月雩之正也月之為雩之正何也其時窮人力盡然後雩雩之正也何謂其時窮人力盡是月不雨則無及矣是年不艾則無食矣是謂其時窮人力盡也雩之必待其時窮人力盡何也雩者為旱求者也求者請也古之人重請何重乎請人之所以為人者讓也請道去讓也則是舍其所以為人也是以重之焉請哉請應乎上公古之神人有應上公者通乎陰陽君親帥諸大

夫而以請焉夫請者非可詒託而往也必親之者也是以重之○成公七年冬大雩谷梁子曰雩不月而時非之也冬無為雩也

因天事天因地事地因名山升中于天因吉土以饗帝于郊禮○郊之祭大報天而王日配以月穀○有虞氏禘黃帝而郊嚳夏后氏禘黃帝而郊鯀殷人禘嚳而郊冥周人禘嚳而郊稷○郊之祭迎長日之至擗特迎長日之至也郊用辛周之始郊日以至卜郊受命于祖廟作龜于禘宮卜之日王立于澤親聽誓命獻命庫門之內戒百官大廟之命戒百姓祭之日王皮弁以聽祭報喪者不哭不敢凶服汜埽反道鄉

命而民聽上祭之日王被袞以象天戴冕璪十有二旒乘素車旂十有二旒龍章而設日月以象天先於南郊埽地而祭器用陶匏○特牲牲用騂用犢帝牛不吉以為稷牛帝牛必在滌三月稷牛唯具擗牲郊○禘郊之事則有全胥國語○郊血祭義○夏后氏祭其閭殷人祭其陽周人祭日以朝及閭祭日於壇祭月於坎祭日於東祭月於西穀○節服氏郊祀裘冕二人執戈送逆尸從車夏右郊祀○傳郊之禮所以事上帝也庸○祭帝於郊所以定天位也禮○郊者弁百王於上天而祭之也禮○禮行於郊而百神受職焉禮○至敬

不壇埽地而祭禮○定公問於孔子曰古之帝王必郊祀其祖以配天何也孔子對曰萬物本於天人本乎祖郊之祭也大報本反始也故以配上帝天垂象聖人則之郊所以明天道也公曰寡人聞郊而莫同何也孔子曰郊之祭也迎長日之至也大報天而主日配以月故周之始郊其月以日至其日用上辛至於啓蟄之月則又祈穀于上帝此二者天子之禮也魯無冬至大郊之事降殺於天子是以不同也公曰其言郊何也孔子曰北丘於南所以就陽位也於郊故謂之郊焉曰其牲器何如孔子曰上帝之牛角璽粟必在滌三月后稷之

牛唯具所以別事天神與人鬼也牲用騂尚赤也用積貴誠也埽地而祭貴其質也器用陶匏以象天地之性也萬物無可稱之者故因其自然之體也公曰天子之郊其禮儀可得聞乎孔子對曰臣聞天子卜郊則受命于祖廟而作龜于禰宮尊祖親考之義也卜之日王親立于澤宮以聽誓命受教諫之義也既卜獻命庫門之內所以誠百官也將郊則天子皮弁以聽報示民嚴上也郊之日喪者不敢哭凶服者不敢入國門泥埽清路行者必止弗命而民聽敬之至也天子大裘以黼之被裘象天乘素車貴其質也旂十有二旒龍章而設以

日月所以灋天也既至泰壇王脫裘矣服衮以臨
燔柴戴冕璪十有二旒則天數也臣聞之誦詩三
百不足以一獻一獻之禮不足以大饗大饗之禮
不足以一旅大旅具矣不足以饗帝是以君子無
敢輕議於禮者也家語○孔子曰孝莫大於嚴父
嚴父莫大於配天則周公其人也昔者周公郊祀
后稷以配天宗祀文王於明堂以配上帝是以四
海之內各以其職來祭經○尚書大傳曰維十有
三祀帝乃稱王而入唐郊猶以丹朱為尸於時百
執事咸昭然乃知王世不絕爛然必自有繼祖守
宗廟之君尚書○襄公七年夏四月三十郊不從

乃免牲孟獻子曰吾乃今而後知有卜筮夫郊
后稷以祈農事也是故啓蟄而郊郊而後耕今
耕而卜郊宜其不從也春秋左○僖公三十一年
夏四月四卜郊不從乃免牲猶三望左氏曰卜郊
不從乃免牲非禮也猶三望亦非禮也禮不卜常
祀而卜其牲日牛卜日曰牲牲成而卜郊上怠慢
也望郊之細也不郊亦無望可也春秋左○公羊
子曰曷為或言三或言四卜三卜禮也四卜非
禮也三卜何以禮四卜何以非禮求吉之道三禘
嘗不卜郊何以卜卜郊非禮也卜郊何以非禮魯
郊非禮也魯郊何以非禮天子祭天諸侯祭上天

子有方望之事無所不通諸侯山川有不在其封
內者則不祭也曷為或言免牲或言免牛免牲禮
也免牛非禮也免牛何以非禮傷者曰牛三望者
何望祭也然則曷祭祭泰山河海曷為祭泰山河
海山川有能潤于百里者天子秩而祭之觸石而
出膚寸而合不崇朝而徧雨乎天下者唯泰山爾
河海潤于千里猶者何通可以已也何以書譏不
郊而望祭也○宣公三年春王正月郊牛之口傷
改卜牛牛死乃不郊猶三望左氏曰望郊之屬也
不郊亦無望可也○公羊子曰其言之何緩也曷
為不復卜養牲養二卜帝牲不吉則扳稷牲而卜

之帝牲在于滌三月於稷者唯具是視郊則具
必祭稷王者必以其祖配王者則曷為必以其祖
配自內出者無匹不行自外至者無主不止○穀
梁子曰之口緩辭也傷自牛作也改卜牛牛死乃
不郊事之變也乃者正乎人之辭也○成公七年
春王正月鼯鼠食郊牛角改卜牛鼯鼠又食其角
乃免牛不郊猶三望穀梁子曰不言日急辭也過
有司也郊牛日展斛角而知傷展道盡矣其所以
備災之道不盡也改卜牛鼯鼠又食其角又有繼
之辭也其緩辭也曰已乎人矣非人之所能也所
以免有司之過也乃免牛乃者已乎人之辭也免

牲者爲之緇衣纁裳有司玄端奉送至于南郊免牛亦然免牲不曰不郊免牛亦然○成公十七年九月辛丑用郊公羊子曰用者不宜用也九月非所用郊也然則郊曷用郊用正月上辛或曰用然後郊○穀梁子曰九月辛丑用郊夏之始可以承春以秋之末承春之始蓋不可矣九月用郊用者不宜用也宮室不設不可以祭衣服不修不可以祭車馬器械不備不可以祭有司一人不備其職不可以祭祭者薦其時也薦其敬也薦其美也非享味也○哀公元年鼯鼠食郊牛角改卜牛夏四月辛巳郊穀梁子曰此該郊之變而道之也於變

之中又有言焉鼯鼠令郊牛角改卜牛志不也郊牛日展斛角而知傷展道盡矣郊自正月夏三月郊之時也夏四月郊不時也五月郊不時也夏之始可以承春以秋之末承春之始蓋不可矣九月用郊用者不宜用也郊三卜禮也四卜非禮也五卜強也卜免牲者吉則免之不吉則否牛傷不言傷之者傷自牛作也故其辭緩全曰牲傷曰牛未牲曰牛其牛一也其所以爲牛者異有變而不郊故卜免牛也巳牛矣其尚卜免之何也禮與其亡也寧有嘗置之上帝矣故卜而後免之不敢專也卜之不吉則如之何不免安置之繫而待六

月上甲始庀牲然後左右之子之所言者牲之變而曰我一諛郊之變而道之何也我以六月上甲始庀牲十月上甲始繫牲十一月十二月牲雖有變不道也待正月然後言牲之變此乃所以諛郊郊享道也貴其時大其禮其養牲雖小不備可也子不志三月卜郊何也郊自正月至于三月郊之時也我以十二月下辛卜

正月上辛下二月上辛如不從

三月上辛如不從則不郊矣○哀公

吳晉盟吳人囚子服景伯景伯謂大宰曰

十月上辛有事於上帝先王季辛而畢何世有職

馬春秋左氏傳

春其帝大皞其神句芒夏其帝炎帝其神祝融中央

其帝黃帝其神后土秋其帝少皞其神蓐收冬其帝

顓頊其神玄冥○季冬乃畢祀帝之大臣天之神祇

以上禮記月令

亦配帝及帝臣

掌次朝日則張大次小次設重帘重案官○大宗伯

以實柴祀日月星辰官○典瑞掌玉瑞玉器之藏辨

其名物與其用事設其服飾王晉大圭執鎮圭繅藉

五采五就以朝日○圭璧以祀日月星辰官○玉人

之事圭璧五寸以祀日月星辰官○天子玄端而朝

日於東門之外玉

右日月星辰○記王宮祭日夜明祭月幽宗祭星

祭○祭日於壇祭月於坎祭日於東祭月於西義

○傳古者先王既有天下又崇立於上帝明神而

敬事之於是乎有朝日夕月以教民事君國語○

天子大采朝日與三公九卿祖識地德日中考政

與百官之政事師尹維旅牧相宣序民事少采夕

月與大史司載糾虔天刑日入監九御使潔奉禘

郊之粢盛而後即安國語○古者帝王躬率有司

百執事而以正月朝迎日于東郊所以為萬物先

而尊事天也祀上帝于南郊所以報天德迎日之

辭曰維某年月上日明上下勤施于四方旁

作穆穆維予一人某故拜迎日東郊尚書○莊公

十八年日有食之穀梁子曰不言日不言朔夜食


也何以知其夜食也曰王者朝日故雖為天子必

有尊也貴為諸侯必有長也故天子朝日諸侯朝

朔

太宗伯以禋燎祀司中司命觀師雨師

右祀司中司命觀師雨師



像
社
經
卷
三
三

三

程